


Kodak
LICENCED PRODUCT

KODAK Gray Scale

KODAK Gray Scale



0 1 2 3 4 5 6 7 8 9 10 11 12 13 14 15 16 17 18 19 20

門七
卷六



格致餘論疏鈔卷之六

癰疽當分經絡論

靈樞癰疽篇云，黃帝曰，太子言，癰疽何以別之？岐伯曰，榮衛稽留于經脈之中，則血泣而不行，不行則衛氣從之而不通，壅遏而不得行，故熱大熱不止，熱勝則肉腐，腐則爲膿，然不能陷骨髓，不爲焦枯。五藏不爲傷，故命曰癰，黃帝曰，何謂疽？岐伯曰，熱氣淳盛，下陷肌膚，筋髓枯內連五臟，血氣竭，當其癰下筋骨良肉皆無餘，故命曰疽。疽者，上之皮，天以堅，上如牛領之皮，疽者，其皮上薄，以澤，此其候也。○王案，云，癰者，壅之義也，氣血爲毒所壅。

瘀而不行故發爲癰疽者沮之義也氣血爲毒所阻滯而不行故發而爲疽○原病式云癰淺而大也疽深而惡也○外科集驗方云癰者大而高起屬乎陽六腑之氣所生也疽者平而內發屬乎陰五藏之氣所成也○醫綱云癰高而薄澤其痛在外疽平而大堅其痛徹心○正傳云浮露而淺者爲癰宜外消藏伏而深者爲疽宜內托千古不易之定論也

六陽經八陰經之分布周身有多氣少血者有少氣多血者有多氣多血者不可一槩論也

氣血多少

靈樞五音五味篇云夫人之常數太陽常多血少氣少陽常多氣少

血陽明常多血多氣厥陰常多氣少血少陰常多血少氣太陰常多血少氣此天之常數也○九鍼論云陽明多血多氣太陽多血少氣少陽多氣少血太陰多血少氣厥陰多血少氣少陰多氣少血云云○素問血氣形志篇云夫人之常數太陽常多血少氣少陽常少血多氣陽明常多氣多血少陰常少血多氣厥陰常多血少氣太陰常多氣少血此天之常數類註云按兩經言血氣之數者凡三各不同如五音五味篇三陽經與此皆相同二陰經與此皆相反又如九鍼論諸經與此皆同惟太陰一經云多血少氣與此相反須知靈樞多誤當以此篇爲正觀末節出氣出血之文與此正合無差可知矣○內經要

肯經度篇註云人身之經絡氣血多少與天道寒熱盛衰相應氣爲陽而配乎熱血爲陰而配乎寒夫太陽爲天之六氣斯時天氣寒盛而熱裏應人手足太陽二經多血而少氣少陽爲天之三氣斯時天氣熱盛而寒裏應人手足少陽二經少血而多氣陽明爲天之五氣斯時天氣先熱而後寒應人手足陽明二經多氣而多血少陰爲天之二氣斯時天氣寒少而熱多應人手足少陰二經少血而多氣厥陰爲天之初氣斯時寒盛而熱裏應人手足厥陰二經多血而少氣太陰爲天之四氣斯時天氣熱盛而寒裏應人手足太陰二經多氣而少血故曰天之常數云爾一槩楚辭卷之四云一槩相量集註云槩平允

斛木也○一槩論

言一偏之見解也

若夫要害處近虛怯薄處前哲已曾論及惟分經之言未聞也何則諸經惟少陽厥陰之生癰疽理宜預防以其多氣少血其血本少肌肉難長瘡久未合必成死證其有不思本經少血速用驅毒利藥以伐其陰分之血禍不旋踵矣請述一二成敗之迹以告來者

要害處

素問刺禁論云，黃帝問曰，願聞禁數，

云，要害言各有所要亦各有所害當詳察也。

○醫經云，通診癰疽要害部分，靈樞寒熱病篇曰，五藏身在五部，伏兔一腓，二腓者膾也，背三五藏，俞四項五此，五部有癰疽者死，王海藏曰，腦鬚鬚頤四處亦爲癰疽必死之處，劉涓子曰，不可患癰疽者七處，眼後虛處頤接骨處陰根根上毛間膀與尻骨接處耳門前後車骨接處諸因小腹風水所成，癰疽領骨下近耳後虛處鼻骨中並能害人，但以諸法療之或有得瘥，唯眼後虛處最險，云○前漢書列傳六十五西南夷傳注師古曰，要害在我爲要，於敵爲害也。

預防

易既

濟象曰，水在火上既濟，君子以思患而預防，之傳云水火既交各得其用爲既濟時當既濟惟慮患害之生，故思而預防使不至於患也，自古天下既濟致禍亂者，蓋不能思慮而預防，告來者論語微子篇曰往者不可諫來者猶可追也。

余從叔父平生多慮質弱，神勞年近五十，忽左膝外側，廉上起一小紅腫，大約如栗，予視之曰，慎勿輕視，且生與人參大料作湯，得一三斤爲好人未之信，謾進小貼數服，未解而止，旬餘，值

大風拔木瘡上起一道紅如線繞至背胛直抵右肋予曰必太科人參少加當歸川芎陳皮白术等補劑與之後與此方兩閱月而安

從叔父

月記故事云父之伯叔曰從祖父曰祖伯父祖叔父

平生

論語憲問

篇曰久要不忘平生之言註云平生平自也左肺靈樞經脈篇類內側上至腋下至肘嫩肉曰膚○然則肩下肘上曰膚平○十四經註云肩後之下爲眉

大約

韻府大率爲大約

大風拔木

周書金縢第八云周公居

東二年則罪人斯得云云秋大熟未穫天大雷電以風禾盡偃大木斯拔邦人大恐云云背胛肝類經圖翼周身背部名閱韻會云經目音甲肩解下成片骨也歷也○醫綱卷之十八云予族叔父平生多慮質弱神勞年近五十忽左膊外側廉上生結核身微寒熱而易怒食味頗厚脉之俱浮大弦數而重似瀋予曰此多慮而憂傷血時在初秋勿輕視之宜急補以防變症以人參一斤作膏下以竹瀝病者各費招一外科以十宣五香散相間與服旬日後一日大風拔木病者發熱神志不佳急召予視之核稍高大似有膿干中起一紅線延過肩後斜走達背脊過入右脣下不痛覺肩背重而急迫食有嘔意脉

同前但弦多耳急作人參膏入芎朮生姜汁飲之用人參二斤瘡潰膿乾又與四物湯加參木陳皮甘草半夏生姜百餘貼而安此等若在春令雖神仙不治也幸而在秋金之令不幸因時下暴風激起木中相火而致此有非參膏驟補何由得免云云

又東陽李兄年踰三十形瘦膚厚連得憂患又因作勞且過於色忽左腿外側廉上一紅腫其大如栗一醫問其太腑堅實與兼氣兩貼下之不效又一醫教與大黃硃砂生粉草麒麟竭又

三三貼半月後召予視之曰事去矣

硃砂

本綱冊砂發明時珍曰葉右林避暑錄載林亥振謝住伯皆服伏火丹砂俱病

腦疽死張杲醫說載張慈服食丹砂病中消數年發癰疽而死皆可爲服丹之戒而周密野語載臨川周推官平生孱弱多服丹砂烏附藥脫年發背疽醫悉歸罪丹石服解毒藥不効瘡醫老祝胗脈曰此乃極陰證正當多服伏火丹砂及三建湯乃用小劑試之復作太劑二日後用膏敷貼半月而瘡平凡服三建湯一百五十服此又與前諸說異蓋人之臟腑稟受萬殊在智者辨其陰陽脉證不以先人爲主非妙入精微者不能企此

粉草

本綱甘草下時珍云今人惟以大徑寸而結繫斷文者爲佳謂之粉草

鱗竭

本綱主治時珍云散滯血諸痛云包皆主血故爾河間劉氏云血絡除血痛爲和血之聖藥是矣云

麒麟

又一李兄年四十餘而面稍白神甚勞忽腸下生一紅腫如桃一人教用補劑衆嗟且排於是

流氣飲十宣散雜而進之旬餘召予視之予曰非惟不與補藥抑且多得解利血氣俱憊矣已

而果然

曰流氣飲人參當歸黃芪桔梗

木香耳草枳殼芍藥川芎

肉桂防風檳榔白芷厚朴

紫蘇

烏藥

各等分

十宣散

人參黃芪當歸厚朴

桔梗肉桂川芎防風白芷

甘草

各等分

血氣俱憊

纂要作血氣俱憊而死。○醫綱此二者皆由不預防本經少陽少火，

速猛浪用大黃攻之而死之者也。

或曰太陽經非多血少氣者乎何腎癰之生初無甚苦往往間有不赦者吾子其能治之乎予曰腎居小腹之後而又在其下此陰中之陰也其道遠其位僻雖曰多血氣運不到氣既不到

血亦罕來中年之後不可生癰纔有痛腫參之脉證但見虛弱便與滋補血氣無虧可保終吉若用尋常驅熱拔毒紓氣之藥虛虛之禍如指諸掌

腎

靈樞經脈篇云足太陽膀胱之脈起於目，內背其支者從腰中下挾脊貫腎入胸中

云類圖翼云腎音屯

機後爲腎尻旁太肉也中年之後尤患此

○虛虛義見于前

終吉

易需卦象云九上需于涉小有言終吉

如指諸

掌論語八佾篇云，知其說者之於天下也。其如示諸斯乎？指其掌，註云：指其掌，弟子記夫子言此而自指其掌，言其明且贊也。

脾約丸論

成無己曰：約者結約之約。又約束之約。胃強脾弱，約束津液不得四布，但輸膀胱。故小便數而大便硬。故曰：脾約與此丸以下。脾之結燥，腸潤結化津液入胃。太便利，小便少而愈矣。

成無己

傷寒全書醫林列傳云：成無己，聊攝人家世，儒醫性識明敏，記問該博，譏

述傷寒義，皆前人未經道者。指在定體，分形析證，若同而異者，明之似是而非者，辨之古今言，傷寒者，祖張仲景，但因其證而用之。初未有發明其意義，成無己博極研精，深造自得，本難素靈樞諸書，以發明其奧，因仲景方論以辨析其理，極表裏虛實陰陽死生之說，究篤病輕重去取加減之意，真得長沙公之旨趣，所著傷寒論十卷，明理論三卷，論方一卷，大行。

約者結約之約。又約束之約。約者結約之約，約束之約，下知之意也。○潮州韓文公廟碑云：祝融先驅，海若藏。約束鮫滯之義也。○約束之約者，下知之意也。○潮

鱸如驅羊。○史記列傳二十一趙奢傳云趙括既代廉頗悉更約束易置軍吏。○傷寒陽明篇云跌陽脈浮而濡浮則胃氣強濡則小便數浮濡相搏大便則難其脾爲約麻仁丸主之。註云跌陽者脾胃之脉診浮爲陽知胃氣強濡爲陰知脾爲約約者儉約之約又約束之約內經曰飲入於胃游溢精氣上輸於肺脾氣散精上歸於肺通調水道下輸於膀胱水精四布五經並行是脾主爲胃行其津液者也今胃強脾弱約束津液不得四布但輸膀胱致小便數太便難與脾約丸通腸潤燥。

麻仁丸方

麻子仁

二升味

芍藥

半斤味

大

黃

一斤去皮味苦寒

厚朴

一斤炙去皮味苦寒

枳實

半斤炙味苦寒

杏仁

一斤去皮尖熬別作脂甘溫

右六味爲末煉蜜爲丸桐子大飲服十九日

三服漸加以和爲度

內經曰脾欲緩急食甘以緩之麻子仁杏仁之甘緩脾而潤燥津液不足以酸收之芍藥之酸以斂津液腸燥胃強以苦泄之枳實厚朴大黃之苦下燥結而泄胃強也○是則脾約丸也

津液

靈樞決氣篇云何謂津岐伯曰腠理發泄汗出溱溱是謂津何謂液岐伯曰敷入氣溼淖澤注於骨髓屬筋肉皮膚補益腦髓皮膚潤澤是謂液類

津何謂液岐伯曰敷入氣溼淖澤注於骨髓屬筋肉皮膚補益腦髓皮膚潤澤是謂液類

註云愚按津液本爲同類然亦有陰陽之分
蓋津者液之清者也液者津之濁者也津爲
汗而走腠理故屬陽液注營而補腦髓故屬
陰觀五臟津液別論曰三焦出氣以溫肌肉
充皮膚爲其津其留而不
行者爲液其義正與此合

愚切有疑焉何者既曰約脾弱不能運也脾弱
則土虧矣心脾氣之散脾血之耗也原其所由
久病大下大汗之後陰血枯槁內火燔灼熟傷
元氣又傷於脾而成此證傷元氣者肺金受火

氣無所攝傷脾者肺爲脾之子肺耗則液竭必
竊母氣以自救金耗則木寡於畏土欲不傷不
可得也脾失轉輸之令肺失傳送之官宜大便
秘而難下小便數而無藏蓄也理宜滋養陰血
使孤陽之火不熾而金行清化木邪有制脾土
清健而運行精液乃能入胃則腸潤而通矣

內火燔灼

所謂陰虛則內熱之義也熟傷元氣是則火與
元氣不兩

立之藏蓄蓄說文
義也 藏蓄積也

今以太黃爲君枳實厚朴爲臣雖有芍藥之養
血麻仁杏仁之溫潤爲之佐使用之熟甚而氣
實者無有不安愚恐西北一方地氣高厚人稟
壯實者可用若用於東南之人與熱雖盛而血
氣不實者雖得暫通將見脾愈弱而腸愈燥矣
後之欲用此方者須知在西北以開結爲主在

東南以潤燥爲主慎勿膠柱而調瑟

而膠柱調瑟

史記列傳二十一趙奢傳曰藺相如曰王以名使括若膠柱而鼓瑟

耳括徒能讀其父書傳不知合變○書言故事曰拘執不通曰膠柱鼓瑟○百川學海云不見規而守舊規者謂之膠柱調瑟

鼓脹論

素問腹中論云黃帝問曰有病心腹滿且食則不能暮食此爲何病歧伯對曰名爲鼓脹次註云心腹脹滿不能食形如鼓脹故名鼓脹也新校正云按太素鼓作穀○入門云

因穀食不化。曰。穀脹。朝陽盛。能食。暮陽衰。不能食者也。○正傳云。腹大如鼓。而面白四肢不腫者。名脹滿。

又名鼓脹。云云。

心肺陽也。居上。肝腎陰也。居下。脾居中。亦陰也。屬土經。曰。飲食入胃。游溢精氣。上輸於脾。脾氣散精。上歸於肺。通調水道。下輸膀胱。水精四布。五經並行。是脾具坤靜之德。而有乾健之運。故能使心肺之陽降。腎肝之陰升。而成天地交。

之泰。是爲無病之人。

心肺肝腎脾

靈樞陰陽繫日月篇云。心爲陽

中之太陽。肺爲陽中之少陰。肝爲陰中之少陽。脾爲陰中之太陰。

飲食入胃。游溢精

之至陰。腎爲陰中之太陰。

氣

素問經脈別論云。食氣入胃。散精于肝。流氣於筋。食氣入胃。濁氣歸心。淫精于脈。脉氣流經。氣歸于肺。肺朝百脈。輸精于皮毛。毛脈合精。行氣于府。府精神明。留于四藏。氣歸于臟。衡于腑。以平氣血成守。以決死生。飲入于胃。游溢精氣。上輸于脾。脾氣散精。上歸于肺。通調水道。下輸于膀胱。水精四布。五經並行。合於四時五藏陰陽揆度。以爲常。註證細註。

云按飲入于胃以下乃言飲而不言食李東垣脾胃論朱舟谿纂要書不考上文爲食乃改爲飲食入胃則于下輸膀胱水精四布之義大背矣殊不知上文之食含畜飲義而下文之飲必難以兼食也何諸醫書皆宗李朱而不考經旨者皆繆矣輸靈樞本證云輸俞脈三字古通用輸者以其脉氣轉輸也俞從胥脈從內○韻會云輸委也送也增韻凡以物送之曰輸水精經脉別論類註云水因氣生氣爲水母凡肺氣所及則水精布焉然水名雖一而清濁有分清者爲精精如雨露濁者爲水水如江河故精歸五藏水歸膀胱坤靜之德易坤文言云坤至而五經並行矣

坤 靜之德

易坤文言云坤至柔而動也剛至靜

而德方○彖云坤厚載物德合無疆○醫方大成脾胃門云以土能容載万物故好靜云易係辭云夫乾天下之至健也德行恒錫以知健○說卦云乾健也○象云天行健君子以自強不息註至健固足以見天道也君子以自強不息法天行之健也天地交之泰○彖泰象云天地交泰○彖云云泰小往大來吉亨則是天地交而萬物通也

今也七情內傷六淫外侵飲食不節房勞致虛脾土之陰受傷轉輸之官失職胃雖受穀不能

運化故陽自升陰自降而成天地不交之否於斯時也清濁相混隧道雍塞氣化濁血瘀鬱而爲熟熟留而久氣化成濕濕熱相生遂成脹滿經曰鼓脹是也以其外雖堅滿中空無物有似於鼓其病膠固雖以治療又名曰蠱若蟲侵蝕有蠱之義

七情內傷

七情者喜怒憂思悲恐驚是也喜傷心怒傷肝憂傷肺思傷脾悲傷

六淫外侵

正傳或問云六淫之

傷腎之類也六淫外侵邪當從內經六氣之大過爲是也昔腎和對晉平公之文不曰風寒暑濕燥火而曰陰陽風雨晦明何也日辭雖異而理實同焉○左傳昭公元年傳醫和曰天有六氣降生五味發爲五色微爲五聲潘生六疾六氣曰陰陽風雨晦明也分爲四時序爲五節過則殷苗陰淫澑寒疾陽淫熱疾風淫未疾雨淫腹疾晦淫惑疾明淫心疾云云○素問陰陽應象太論云風勝則動熱勝則腫燥勝則乾寒勝則浮湿勝則濡寫類註云風勝者爲振掉搖動之病卽醫和云風淫末疾之類熱勝者爲丹毒癰腫之病卽醫和云陽淫然疾之類燥勝者爲津液枯涸内外

乾澀之病寒勝者陽氣不行爲脹滿浮虛之疾卽醫和云陰淫寒疾之類脾胃惡濕而喜燥濕勝者必侵脾胃爲水穀不分濡寫之病卽醫和云兩潘腰疾之類

天地不交否

易否象云天地不交否○彖云否之匪人不利君子貞大往小來則是天地不交而

萬物不通也上下經曰鼓脹鼓脹腹身大與不交而天下無邦

曰脹

古今醫統卷之三十二

脹筋起云

云

古今醫統卷之三十二

隔不通爲脹夫子繫辭以爲脹壞之極先哲以脹名其病證正謂氣血虛極陰陽不通上下不相升降先由內傷脾胃而運用失常遂成中滿痞塞之疾漸而虛極上下不通氣血

留積堅聚成形必爲脹藥不能攻斯塊之極而不可救云○醫經小學云鼓脹發脹註致鼓脹後有小腹急痛便溺失精溲而出自液亦名脹○醫方太成脹毒門云今人凡有積聚脹滿之病類乎脹者便以爲脹尤爲非也云

驗之治法理宜補脾又須養肺金以制木使脾無賊邪之患滋腎水以制火使肺得清化之令却鹽味以防助邪斷妄想以保母氣無有不安醫不察病起於虛急於作效衝能希賞病者苦

於脹急喜行利藥以求一時之快不知寬得一日半日其腫愈甚矣真氣傷矣去死不遠

驗之治法

靈樞脹論類註云愚按腫脹下證觀本篇之義則五藏六府無不有

之再考諸篇如脉要精微論曰胃脉實氣有餘則脹邪氣藏府病形篇曰胃病者腹膜脹胃胱當心而痛本神篇曰脾氣實則腹脹溼澆不利陰陽應象大論曰濁氣在上則生膜脹此皆實脹也太陰陽明論曰飲食起居失節入五藏則膜滿閉塞師傳篇曰足太陰之別公孫虛則鼓脹此皆虛脹也經脈篇曰胃中寒則脹滿異法方宜論曰藏寒生滿病風

論曰胃風鬲塞不通腹善脹失衣則腹脹此皆寒脹也陰陽別論曰二陰一陽發病善脹心滿診要經終論曰手少陰終者腹脹閉足太陰終者腹脹閉此心脾受傷之脹也此外如六元正紀至真要等論有云太陰所至爲重肺脹及土鬱之發太陰之初氣太陰之勝復皆濕勝之脹脹也有曰水運之太過有曰寒勝則浮有曰太陽之司夫太陽之勝復皆寒勝之脹脹也有曰少陰之司天少陰之勝復少陽之司天少陽之勝復有曰孰勝則脹皆火勝之脹脹也有曰厥陰之司天在泉厥陰之復有曰陽明之復是皆木邪侮土及金氣反勝之脹脹也觀此則不惟五藏六府卽五運六氣亦無不皆有是病然至真要太論

曰諸濕腫滿皆屬於脾水熱穴論曰其本在腎其末在肺皆聚水也又曰腎者胃之關也關門不利故聚水而從其類也由此言之則諸經雖皆有脹然無不于於脾肺腎三藏蓋脾屬土其生運化肺屬金其主氣腎屬水其主五液凡五氣所化之液悉屬於腎五液所行之氣悉屬於肺轉輸於二藏之中以制水生金者悉屬於脾所以腫脹之生無不由此三者但證有陰陽虛實如諸論之所云者不可不辨大都陽證多熱熱者多實陰證多寒寒者多虛先脹於內而後及於外者多實先腫於表而後甚於裏者多虛小便黃赤大便秘結者多虛小水清白大便稀溏者多虛脉滑數有力者多實弦浮微細者多虛形色紅

黃氣息粗長者多實客顏憔悴音聲短促者多虛凡是實證必以六淫有餘傷其外或飲食怒氣傷其內故致氣道不行三焦壅閉此則多在氣分無處不到故不存部位而多通身浮腫又或氣實於中則爲單腹脹急然陽邪急速其至必暴每成於旬日數日之間此惟少壯者多有之但破其結氣利其壅滯則病無不愈此治實之道也若是虛證必以五志積勞或酒色過度傷其脾胃日積月累其來有漸此等病候多滌於中年之外其形證脈氣必有虛寒之候顯然可察非若實證之暴至而邪熱壅結肝氣悍逆之有因也治實者本無所難最難者在治虛耳然虛有在氣者有在水者在氣者以脾氣虛寒不能運化

所謂氣虛中滿者，是也在水者。以脾虛不能制水，則寒水反侮脾土，泛濫爲邪。其始也必從陰分漸次而升。按肉如泥，腫有分界。所謂水臌水脹者，是也。然水雖制於脾而實主於腎。蓋腎本水藏，而元陽生氣所由出。若腎中陽虛，則命門火衰，既不能自制陰寒，又不能溫養脾土。陰陽不得其正，則化而爲邪。夫氣卽火也，精卽水也。氣之與水本爲同類，但在於化與不化耳。故陽王則化，而精能爲氣；陽衰則不化，而水卽爲邪。凡火盛水虧，則病燥，水盛火虧，則病濕。故火不能化，則陰不從陽，而精氣皆化爲水。所以水腫之證多屬陽虛。故曰：寒脹多熱，脹少也。然觀丹溪之治腫脹，云清濁相混，隧道壅塞，而爲熟熱留爲濕濁。

熱相生，遂成脹滿。治宜補其脾，又須養肺金，以制木，使脾無賊邪之患。滋腎水，以制火，使肺得清化之令。其說重在溫熱而猶以制火，爲言夫制火固可保金，獨不慮其不生土乎？若以此法施於陽實而熱者，則可。若以治陽虛，而氣不化者，豈不反助陰邪而益其病哉？故予之治此，必察其果係實邪，則直清陽明，除之極易。易凡屬虛勞內損者，多從溫補脾腎，而愈俱得復。兀或臨證之際，有虛實未明，疑似難決者，則寧先以治不足之法探治，有餘若果末投，而病反加甚，是不宜補也。不妨易轍，自無大害。倘藥未及病而病自甚者，其輕重真假仍宜詳察。若誤以治有餘之法治不足，而曾經峻攻者，真氣復傷，雖神丹不能療。

矣或從清利暫見平復使不大補脾胃以培根本雖愈目前未有不危凶踵至者此治虛之道也夫腫脹之病多有標實本虛最爲危候若辨之不明則禍入非淺鹽味本綱食鹽發明宗奭曰素問云鹹走血故東方食魚鹽之人多黑色走血之驗可知病喘嗽人及水腫者宜全禁之云○時珍云洪範水日潤下作鹹素問曰水生鹹此鹽之根源也夫水周流于天地之間潤下之性無所不在其味作鹹凝結爲鹽亦無所不在在入則血脉應之鹽之氣味鹹腥人之血亦鹹腥鹹走血血病無多食鹹多食則脉凝泣而變色從其類也煎鹽者用皂角收之故鹽之味微辛辛走肺鹹走腎喘嗽水腫消渴者鹽爲大忌

或別痏吐或泣血脉或助水邪故也云利藥辨疑錄云腫有虛實治有王霸今之人治腫者每行利藥腫消氣下乃云得瀉之力殊不知脾胃愈瀉愈虛古云氣虛中滿利之雖腫氣漸下隨消隨起病人心跳易驚換藥醫者俱求速効仍行利藥腫不消矣所以臍突背平唇黑雖有扁鵲不能瘳也噫醫殺之也其腫愈甚一本此四字之下有病邪甚二字

古方惟禹餘粮丸又名石中黃丸又名紫金丸制肝補脾殊爲切當亦須隨證亦須順時加減

用之余友俞仁叔儒而醫連得家難年五十得此疾自制禹餘糧丸服之予診其脉弦濶而數曰此丸新製煅煉之火邪尚存溫熱之藥太多宜自加減不可執方俞咷曰今人不及古人此方不可加減服之一月口鼻見血色骨立而死

禹餘糧丸 桑寄生 當歸 柏葉 附子

鱉甲 厚朴 乾姜 白朮 白芍藥

狗脊 吳茱萸 白石脂 禹餘糧

右出平局方卷之九婦人門也然無治腫脹之文故今書於醫綱之方以備參考

醫綱卷之二十四云治十種水氣脚膝腫脹上氣喘滿小便不利但是水氣悉皆主之土反

丹霞背二云此方治膨脹之要藥

蛇含石 大者二兩以新鐵錐盛入炭火中燒蛇黃與錐子一盤紅

用鉗取蛇黃傾入醋中候冷取出研極細禹餘糧三兩 貞針砂五
升就錐內煮醋乾爲度後用鉗并藥入炭中燒紅鉗出傾藥淨
磚地上候冷研細以三物爲主其次量人虛

實入下項 治水多是攻擊推此方三物既非
扶持故虛人老人亦可服

卷活 木香 茯苓 川芎

牛膝

酒浸

桂心

白荳蔻

炮

大茴香

炒

蓬子

炮

附子

炮

乾姜

炮

青皮

京三稜

炮

白蒺藜

當歸

酒浸

一宿

各半兩

本綱石部時珍云按別錄言禹餘糧生東海池澤及山嶺太一餘糧生太山山谷石中黃出餘糧處有之乃殼中未成餘糧黃濁水也據此則三者一物也生千池澤者禹餘糧

生千山谷者爲太一餘糧其中水黃濁者爲石中黃水其凝結如粉者爲餘糧凝乾如石者爲石中黃其說本明注者臆度反致義謬晉宋以來不分山谷池澤所產故通爲太一禹餘糧而蘇恭復以紫赤色者爲太一諸色爲禹餘糧皆未加詳究本文也又曰餘糧乃石中已凝細粉也石中黃則堅凝如石者也石中黃水則未凝者也故雷敷云用餘糧勿角石中黃是矣

口鼻見血色

纂要作口鼻出血

醫綱

又楊兒年近五十性嗜好酒病癰半年患脹病自察必死來求治診其脈弦而濇重則大癰未

愈手足瘦而腹大如蜘蛛狀予教以參术爲君當歸川芎芍藥爲臣黃連陳皮茯苓厚朴爲佐生其草些少作濃湯飲之丁日定三次彼亦嚴守戒忌一月後瘡因汗而愈又半年小便長而脹愈中間雖稍有加減大意只是補氣行濕

脈弦而濇

弦癟之脉濇少血也

重則大

大腹脹之脉且酒毒之故也

以參术爲君

養脾氣也

當川芎爲臣

滋補血燥也

連皮

醒酒熟順中氣也

本朴

行濕下氣也○嚴者嚴密之義○戒忌者警戒忌憚也

腹大如蜘蛛狀

續醫說卷之八云丁人病氣蠱四肢不浮惟腹大戴原禮所謂蜘蛛病是也俗醫進以泄水之劑病轉

利時值炎暑疫以清暑益氣湯治之當煎藥時偶墮蜘蛛一枚腐熟其中童子懼責瀝去蜘蛛尋以藥進病人鼻聞藥香一啜而盡須臾腹中作聲反覆不能安枕家人疑藥之誤用而然也既而洩濶斗許腹脹如削康健復平日按本草云蜘蛛氣寒有毒主治小兒丁奚腰大燒熱數之未聞其功能治氣蠱也

又陳氏年四十餘性嗜酒大便時見血於春間

愚，脹色黑而腹大其形如鬼。診其脈數而濶重似弱。予以四物湯加黃連、黃芩、木通、白朮、陳皮、厚朴、生甘草作湯與之。近一年而安。一補氣，一補血，餘藥大率相出入，皆獲安以保天壽。

如鬼

洪花珠林第八十七云：雜寶藏經說時有一鬼，白日連言大德我，腹極大如甕，咽喉手足甚細，如針，不得飲食。何因緣故受如此苦？目連答言汝前世時作聚落生，骨肉豪貴，飲酒縱橫，輕欺餘人，棄其飲食，飢困衆生。由是因緣受如此罪。此是華報地獄苦果。

方在後也

或曰：氣無補法。何？子補氣而獲安，果有說以通之乎？予曰：氣無補法，世俗之言也。以氣之爲病，病悶壅塞，似難於補。恐增病勢，不思正氣虛者，不能運行邪滯所著，而不出所以爲病。經曰：壯者氣行則愈，怯者而成病。苟或氣怯，不用補法，氣何由行？或曰：子之藥審則審矣，何效之遲？

也病者久在牀枕必將厭子之迂而求速效者矣予曰此病之起或三五年或十餘年根深矣勢篤矣欲求速效自求禍耳知王道者能治此病也

經曰壯者一素問經脈別論云勇者氣行則已怯者著而爲病也註證云著着同○韻會云陟慮切明也○藥韻直略切附也歐陽氏曰今多俗書著作著誤也何效之遲辨疑錄云東垣丹溪聖醫也治內傷用藥以二十貼爲勝五十貼爲常百

餘貼爲牽令人人性偏恣欲治五十貼而責醫者真可笑哉王道廬陵楊十五奇序王機微義云近代張元素起北方蓋得神授深造闡奧再傳李明之三傳王好古南方朱肱脩得私淑焉遂爲醫家之正派庶純宗厚又私淑庶脩者也論者謂元素醫家之王道蓋王道以養民爲本元素之法厚脾土爲要此知本之務也○辨疑云若係腫脹太便燥結量行霸道瀉其有餘然後王道補其不足實爲調理脾胃準繩云云

或曰脹病將終不可與利藥耶予曰灼知其不因於虛受病亦淺脾胃尚壯積滯不痼而又

可下之證亦宜略與疏導若授張子和濬川散

禹功丸爲例行迅攻之策實所不敢

灼知

書經立政云我其克灼知厥若不乃俾亂註灼明也

濬川散

大黃

煨二兩

郁李仁

二兩

芒硝

半兩

甘遂

一兩製

牽牛

頭末四兩

右爲末姜湯調下半錢空心臨臥隨證加減服

禹功散

黑牽牛

頭末四兩

茴香

炒一兩

疝氣論

右爲末以生姜自然汁調一二錢臨臘服或加白朮一兩○右二方見于王機微義所不敢韓退之荅張籍書曰其爲也易則其傳也不遠故余所以不敢也○不敢者不肯之義畢竟不同心之意也

素問四時刺逆從論註證云疝有如山積之

義○類註云疝者前陰小腹之病男女五藏皆有音高急注云之云素問篇解注此本之讀

疝氣之甚者羈丸連小腹急痛也有痛在羈丸

者有痛在五樞穴邊者皆足厥陰之經也

睪丸

素問音釋舉音高陰丸也

五樞穴

素問氣府論次註云五樞在帶脉下

同身寸之三寸足少陽帶脈二經之會○靈樞經脈篇云肝足厥陰之脉起于大指叢毛之際上循足跗上廉云循股陰入毛中過陰器抵小腹挾胃屬肝絡膽上貫膈布腸肋○素問四時刺逆從論類註云愚按本經諸篇所言疝證不一有云狐疝以其出入非常也有癩疝者以其頑腫不仁也有衝疝者以其自小腹上衝心而痛也有厥疝者以積氣在腹中而氣逆爲疝也有瘕者以小腹冤熱而痛出有二名曰蠱也有六經風疝者如本

篇之所云也有小腸疝者如邪氣藏府病形篇曰小腸病者小腹痛腰脊控睾而痛時窘之後者亦疝之屬也是皆諸疝之義按骨空論曰任脉爲病男子內結七疝女子帶下瘕聚蓋任脈者起於中極之下以上毛際循腹裏上關元總諸陰之會故諸疝之在小腹者無不由任脈爲之原而諸經爲之派耳云七疝者乃總諸疝爲言如本篇所言者六也邪氣藏府病形篇所言者一也蓋以諸經之疝所屬有七故云七疝若狐癲衝厥之類亦不過爲七疝之別名耳後世如巢氏所叙七疝則曰厥癲寒氣盤肺狼至張子和非之曰此俗工所立訛名也蓋環陰器上抵小腹者乃屬足厥陰肝經之部介是受疝之處也又曰

凡痛者非肝木受邪則肝木自甚皆屬肝經
於是亦立七疝之名曰寒水筋血氣狐癩治
多用下經自丹溪以來皆宗其說然以愚觀
之亦未爲得夫前陰小腹之間乃足三陰陽
明任衝督脈之所聚豈得獨以厥陰經爲言
但如本篇六疝皆兼風言者本非外入之風
蓋風屬肝肝主筋故凡病各經之疝者謂其
病多在筋而皆挾肝邪則可若謂必在厥陰
則不可也後世議論徒多又安能出內經之
圍範哉學者當以經旨爲正至於治之法
大都此證寒則多痛熱則多縱濕則多腫墜
虛者亦然若重在血分者不移在氣分者多
動亦察六者於諸經各因其多少虛實而兼治之自無不效也

或有形或無形或有聲或無聲有形如爪有聲
如蛙自素問以下歷代名醫皆以爲寒蓋寒主
收引經絡得寒故引不行所以作痛理固然也
自素問以下素問長刺節論云病在少腹腹
痛不得大小便病名曰疝得之
寒○五藏生成論云名曰肝脾得之寒濕與
疝同法○大奇論次註云疝者寒氣結聚之
所爲也○病原候論卷之二十二云諸疝者陰
氣積於內復爲寒氣所加使榮衛不調血氣
虛弱故風冷入其腹內而成疝也疝者痛也
或少腹痛不得大小便或手足厥冷繞臍痛

白汗出或冷氣逆上搶心腹令心痛或裏急而腹痛此諸候非一也故云諸疝也

有得寒而無病者又必有說以通之可也予嘗

屢因門戶雪上有霜沒臍之水踢氷徒涉不會濕熱在經鬱而至久又得寒氣外束濕熱之邪不得踈散所以作痛若只作寒論恐爲未備

更雪上有霜

碧岩卷之一云雪上加霜曾墮

沒臍之水

東坡卷之

九西新橋云冬涉水過臍或因火氣之氣不能散於臍內也或曰厥陰一經其道遠其位卑鬱積濕熱何由而致予曰大勞則火起於筋醉飽則火起於胃房勞則火起於腎大怒則火起於肝本經火積之久不能令子虛濕氣便盛厥陰屬木係於肝爲將軍之官其性急速火性且又暴爲寒所束宜其痛之大暴也

大勞則一

指掌云作若醉飽勞役房室大

能令子虛

怒發五志之火鬱久濕氣便盛毋

下有濁液凝聚並入血

將軍之官

素問靈蘭秘典論云

隧流于厥陰十二字

肝者將軍之官謀慮出焉類註云肝屬

風木性動而急爲故將軍之官云

愚見有用烏頭梔子等分作湯用之其效亦敏後因此方隨證與形加減用之無有不應

烏頭梔子

纂要云劫藥神効蓋濕熱因寒鬱而發用梔子以降湿熱烏頭以破

寒鬱况一二藥皆下焦之藥而烏頭爲梔子所引其性急速不容胃中停留也○醫綱云治疝却痛方川烏頭梔子仁石等分煎湯服之神効濕多癩腫者烏頭爲君蓋川烏頭治外束之寒梔仁治內鬱之熱也

愚見有用

王機作愚見古方有用

然濕熱又須分多少而始治但濕者腫多癩病是也又有挾虛而發者當以參术爲用而以踈導藥佐之診其脉有甚沈緊而大豁無力者是也其痛亦輕惟覺重墜牽引耳

以參术爲用

王機纂要作以參术爲君○明醫指掌圖云諸疝挾氣者其脉

沉弦滑大參术爲君佐以疏導如枳實青皮山楂練子橘核○醫綱云疝有挾虛而發者其脉不甚沉緊而大豁無刀者是也當以參术爲君疏導藥佐之蓋疏導藥即桃仁山楂枳實梔子茱萸川棟玄

胡索丁香木香之類

秦桂丸論

無子之因多起於婦人醫者不求其因起於何處遍閱古方惟秦桂丸其辭確其意專用藥溫

熟近乎人情欣然授之銳然服之其受燔灼之禍猶且懵然不悔何者陽精之施也陰血能攝之精成其子血成其胞胎孕乃成今婦人之無子者率由血少不足以攝精也血之少也固非一端然欲得子者必須補其陰血使無虧欠乃可推其有餘以成胎孕何乃輕用熱劑煎熬臟腑血氣沸騰禍不旋踵矣

秦桂丸 婦人大全良方卷之九承子部云，秦桂貞治婦人無子知金州范羅言乞

以此方試令婦人服之至四十九日如無子請斬臣一家以令天下何德揚方雖其言似誇然實

有異驗

秦艽 桂心 杜仲 防風 厚朴 各三分

附子

生

白茯苓

各壹兩半

白薇

壹

乾薑

二兩

沙參

牛膝

半夏

各半兩

人參

壹

細辛

一分

右拾肆味並生研爲細末燥蜜爲丸如赤豆大每服參拾貞空心食前醋湯米飲任下末

勸更加貞數已覺有孕便不可服臣妻年二十七無子服此藥十日便有孕殘藥與石門縣令妻年三十四斷產已十六年服此藥便有孕又殘藥與太子中守文妻年四十無子服此遂有孕其効如神不可具述此仙方也○醫綱三十五末子部螽斯丸方後云按此方卽秦桂丸也丹溪忌服之者蓋忌於瘦人無血者若肥人溫多者又兼前調理藥而所服丸數十減其丸只服五分無妨也上三方得之於丹溪之子朱懋誠者累試有効○又云按秦桂丸施於肥人而少其丸數兼服調理補藥亦無妨但忌施於瘦人火多者也推其有餘一本推

或曰春氣溫和則萬物發生冬氣寒凜則萬物
消殞非秦桂丸之溫熱何由得子臟溫暖而成
胎耶予曰詩言婦人和平則樂有子和則氣血
不乖平則陰陽不爭今得此藥經血轉紫黑漸
成癟少或先或後始則飲食驟進久則口苦而
乾陰陽不平血氣不和疾病蜂起焉能成胎縱
使成胎生子亦多病而不壽以秦桂丸之耗損

天真之陰也戒之慎之

殞韻府殞也○六元正紀大論類註殞傷也詩言毛詩芣苢小序云芣苢后妃之美也天下和平則婦人樂有子矣註天下和政教平也○楊氏曰后妃無嫉妒之心則和平矣惟其和平故天下化而和平則婦人以有子爲樂也紫黑纂要云紫和平則婦人以有子爲樂也者氣血熱黑則熱之甚也今人悉指爲風冷而行溫熱之劑偶不旋踵耗損天真

鄭康使之子年十六求醫曰我生七箇月患淋

散其真云云

云

病五日七日必一發其發也大痛捫地呴天水道方行狀如漆和粟者約一盞許然後定診其脈輕則濇重則弦視其形瘦而稍長其色青而蒼意其父必因多服下部藥遺熱在胎留於子之命門而然

我生七箇月患淋病

纂要作少年自生七箇月患淋

五月七日必發

○醫綱作年十六初生七箇月患淋病五七月一發其發也

醫綱作其發則遺

熱醫綱作遺毒
遂以紫雪和黃蘖細末丸梧子大晒十分乾而與二百丸作一服率以熱湯下以食物壓之又經半日痛大作連腰腹水道乃下行如漆和粟者一大碗許其病減十分之八後張子忠以陳皮一兩桔梗木通各半兩作一貼與之又下漆粟者一合許遂安

紫雪

和劑局方卷之六 云，療脚氣，毒遍內外，癩卒死，溫瘧五戶，五注心腹，諸疾疔刺切痛，及解諸熱藥，毒發邪熱卒黃等，并解蠱毒鬼魅野道，熱毒又治。

小兒驚癇百病。

黃金

壹百兩

寒水石

磁石

石膏

滑石

各參

斤

已上並搗碎，用水一斛，煮至四斗去滓，入下項。

羚羊角屑

犀角屑

青木香

搗碎

沉香

擣碎各

五斤

丁香

壹兩

玄參

洗焙

升麻

各半斤

甘草

父

灸八兩

已上入煎汁中，再煮取一升，去滓，入下項。

一升五升去滓，入下項。

朴硝

猜者四斤如闕，芒硝亦得

硝石

拾斤每斤重半兩，米錢半

已上二味入煎藥汁中，微火上煎，柳木寬攬，不住手候，有七升投在木盆中，半日欲凝入下項。

麝香當門子

壹兩貳錢半研

朱砂

飛研

已上二味入前藥中攪調令勻停之二日
右藥成霜雪紫色每服一錢或二錢冷入調
下太人小兒臨時以意加減並食後服

入門釋方云紫雪丁香麝

香熬膏色紫藥屑如雪

梧子大

序例陶隱居云如梧子者以一豆準之

十分乾

纂要作極

乾以熱湯下

寒因熱用

張子忠

傳未詳○纂要作一人

父得燥熱且能病子况母得之者乎余書此以

證東垣紅絲瘤之事

文參

卷之三

十

其

廣嗣紀要容齊著痘疹心要論胎毒云人之
生也受氣於父成形於母胎毒之貽父亦有
之未可專歸於母也觀東垣論李叔和之子
紅絲瘤之病丹溪論鄭憲史得淋病皆其父
之貽胎毒也故一治其父一治其子悉用瀉
火解毒之藥以護元古今之求嗣者不知滋
養真陰之責善服辛燥之藥以致陽火蘊際
陰水乾涸及其實止胎毒貽於子也哉
紅絲瘤醫綱卷之三十六云李叔和一日問
東垣曰中年來得一子至一歲後身
生紅絲瘤不救後三四字至一二歲皆病瘤
而死敢問何也曰予試思之翌日見叔和曰
吾得之矣汝腎中伏火精中多有紅絲以氣
相傳生子故有此病遇觸而動發於肌肉之

間俗名胎瘤是也汝試視之果如其言遂與滋腎丸數服以濁腎中火邪補天真之不足忌酒肉辛熱之物其妻以六味地黃丸養其陰血受胎五月後以白朮黃芩二味作散與服後生兒至三歲前症不復作矣叔和曰先生乃神醫也遂從受學其子今已年壯也

惡寒非寒病惡熱非熱病論

經曰惡寒戰慄皆屬於熱又曰禁慄如喪神守身自覺凜凜戰慄禁慄動搖之貌如喪神守惡

寒之甚

經曰

素問六元正紀大論云少陰所至爲驚惑惡寒戰慄云○至真要大論云少

陽復大熱將至云

云

又曰

至真要大論云帝

惡寒鼓慄寒極反熱

云

日願聞病機何如

歧伯曰云

諸禁鼓慄如喪神守皆屬於火類註云禁懼也寒厥咬牙曰懼鼓鼓領也慄

戰也凡病寒戰而精神不能主

持如喪失神守者皆火之病也惡寒論云惡

寒者不見風亦惡寒身

寒論文選十六云寒雖熟亦不欲去衣被淒淒以凜凜註說文云寒也

戰慄

傷寒論卷之一平脉法成註云戰者寒在表也慄者

寒在裏。○明理論云，戰者身爲之戰搖也。慄者心戰是也。戰之與慄戰外而慄內也。又云，戰爲正與邪爭，則

鼓慄而戰。云

云

原病式曰，病熱甚而反覺自冷，此爲病熱實非寒也。或曰，往往見有得熱藥而少愈者何也？予曰，病熱之人，其氣炎上，鬱爲痰飲，抑遏清道，陰氣不升，病熱尤甚。積痰得熱，亦爲暫退，熱勞助邪，其病益深。

膚之間者皆言火之虛也。有傷寒將解而爲戰寒者，如仲景曰，其人本虛，是以作戰成無已。曰，戰慄者皆陰陽之爭也。傷寒欲解，將汗之時，正氣內實，邪不能勝，與之爭，則便汗出而不發戰。邪氣欲出，其人本虛，邪與正爭，微者爲振，甚者則戰。皆言傷寒之戰汗必因於虛也。有瘡瘍之爲寒慄者，如瘡論曰，瘍之始發也，陽氣并於陰瘍，是之時，陽虛而陰盛，外無氣故先寒慄也。夫瘍氣者並於陽，則陽勝，並於陰，則陰勝。陰勝則寒，陽勝則熱。又曰，陽並於陰，則陰實，而陽虛，陽明虛，則寒慄鼓領也。由此觀之，可見諸禁鼓慄，雖皆屬火，但火實者少，火虛者多耳。

經曰，陰虛則發熱。夫陽在外爲陰之衛，陰在內爲陽之守。精神外馳，嗜欲無節，陰氣耗散，陽無所附，遂致浮散於肌表之間，而惡寒也。實非有熟當作陰虛治之，而用補養之法可也。

經曰，素問調經論曰，陽虛則外寒，陰虛則內寒。夫陽在外，陰陽應象大論云，陰在內，陽之守也。鎮守陽動故爲陰之役使。精神外馳，素問上古大真論云，恬憺虛無，真氣從之。

原病式熱類惡寒，註云，亦有亢則害，兼乃制之，則病熱甚，反覺其冷者也。雖覺其冷而病爲熱實非寒也。其病熱甚，而反惡寒，得寒轉甚，而得煖少愈者，謂煖則腠理疏通而陽氣得散，怫熱稍退，故少愈也。其寒則腠理閉密，陽氣怫鬱而熱轉甚，故病加爾。上下中外皆然，俗因之妄謂寒病誤以熱藥投之爲害，多矣。假令因熱藥以使怫熱稍散而少愈者，藥力盡則病反甚也。其減則微，其加則甚。云云。

或曰，古人遇戰慄之證，有以大乘氣下燥糞，而予曰，古人遇戰慄之證，有以大乘氣下燥糞，而

愈者，患寒戰慄明是熱證，但有虛實之分耳。

古人遇戰慄之證

原病式戰慄動搖火之象也

云

然寒慄者由火甚

云

下之多有燥糞下後熱退則戰慄愈矣

有虛

實之分耳

至真要大論類註云如喪失神守者皆火之病也然火有虛實之辨

若表裏熱甚而外生寒慄者如陰陽應象太論所謂熱極生寒重陽必陰也河間曰心火熱甚亢極而戰又兼水化制之故爲寒慄者皆言火之實也若陰盛陽虛而生寒慄者如調經論曰陽虛畏外寒刺節與邪論曰陰勝則爲寒寒則真氣失去則虛虛則寒搏於皮

精神內守
病安從來

或曰，患寒非寒宜用寒藥，患熱非熱宜用補藥，甚駭耳。自明示我之法可乎？予曰：進士周本道年踰三十，得患寒病，服附子數日而病甚，未予治。診其脈弦而促緩，予以江茶入薑汁、香油些少，吐痰一升許，減綿。太半周甚，喜。予曰：未也。燥熱已，多血傷，亦深須淡食以養胃，內觀以養神。

則水可生而火可降。彼勇於仕進，一切務外不
守禁忌。予曰：若多與補血涼熟亦可。稱安內外
不靜，腎水不生。附毒必發病，安後官於婺城巡
夜，冒寒非附子不可療。而性怕生薑，只得以猪
腰子作片煮附子與三貼，而安予曰：可急歸知
其附毒易發，彼以爲迂。半年後果發背而死。

問木道

翁傳云：太白周進士病惡寒，雖暑亦必以綿蒙其首，服附子數斤，增

減半，仍用防風通聖飲之，愈。周固喜甚。翁曰：病愈後，須淡食以養胃，內觀以養神，則水可生，火可降。否，則附毒必發，殊不可救。彼不能，然後告殂，發背而死。

江茶

江湖者

之江茶之出處也。○本綱目名時珍云：楊慎、丹沿錄云：茶卽古荼字音，途詩云：誰謂荼苦，其甘如齊。是也。顏師古云：漢時茶陵始轉途音，爲宅加切。或言六經無茶字，未深考耳。○主治時珍云：濃煎，吐風熱痰涎。大半少微通鑑輯略曰：凡數半，內觀常清靜經云：夫人神好清而欲牽之，若能常遣其欲，而心自靜，澄其心而

神自清，自然六欲不生。三毒消滅，所以不能者爲心未澄，欲未遣也。能遣之者，內觀其心。

心無其心，外觀其形，形無其形。遠觀其物，物無其物。三者既悟，惟見於空。

一本作涼藥，一本作稍安。有否則之二字。

巡夜而察城，

之内外，本綱卷之五十下云。本經

之義也。猪腰子，俗名腰子。○臍音夷亦作臍時珍日，

脾○肺○腎俗名腰子。○臍音夷亦作臍時珍日，

間似脂非脂，俗名腰子。○臍音夷亦作臍時珍日，

處也肥則多瘦則少，蓋順養賴之故謂之臍。

○肚○腸○肝○膽○膾○膚○耳垢○鼻○唇

○舌○屬○齒○骨○豚卵時珍曰，豚卵即

生方謂之猪老子者是也。三因治消渴方中

有百子齊荅湯治產後蓐勞，有百子湯並用

豬腎爲石，誤矣。

發背，史記項籍本紀云，范增大怒曰，天下事人定矣。君主自爲之，願賜骸骨歸卒伍。項主許之，行，未至彭城，疽發背而死。○醫說卷之六云，談云，背無好瘡，但生於正中者，爲真發背，瘻夾侍郎，背中生小瘡，不悟，只以藥調補，數日不疼不痒，文不發蔓，疑之，呼外醫灸一百壯已，無及壯，公平生不服藥，一年來，唯覺時時手腳心熱，疾作既不早治，又服補藥，何可久也。

又司丞叔平生脚，自踝以下常覺熱，冬不可加繩，於上常自言曰，我稟質壯，不怕冷，予曰，此足可久也。

三陰之虛宜早斷欲事以補養陰血庶乎可免
唉而不若年方五十患痿半年而死觀此二人
治法蓋可知矣或曰傷寒病惡寒惡熱者亦是
虛耶予曰若病傷寒者自外入內先賢論之詳
矣愚奚庸贅

司丞叔未見傳記踝

類經圖翼骨部名目云踝胡
寡切足跗後兩旁圓骨內曰
內踝外曰外踝俗名孤拐骨

此二人

進士周

手腕兩旁圓骨亦名踝骨

日本道者

○愚寒非寒之證司丞叔者愚熱非熱之證也
○先賢張仲景也○贅之義見于前○一本
愚奚庸贅
四字無之

經水或紫或黑論

經水者陰血也陰必從陽故其色紅稟火色也
血爲氣之配氣熱則熱氣寒則寒氣升則升氣
降則降氣凝則凝氣滯則滯氣清則清氣濁則
濁往往見有成塊者氣之凝也將行而痛者氣

之滯也來後作痛者氣血俱虛也色淡者亦虛也錯經妄行者氣之亂也紫者氣之熱也黑者熱之甚也人但見其紫者黑者作痛者成塊者率皆爲風冷而行溫熱之劑禍不旋踵

經水者陰血也

本綱卷之五十一月水下釋名云時珍曰女子陰類地以血爲主其血上應太陰下應海潮月有盈虧潮有朝夕月事一月一行與之相符故謂之月水月信月經經者常也有常軌地天終者天一生水也邪術家謂之紅鉛謬名也女人

之經一月一行其常也或先或後或過或塞其病也復有變常而古人並未言及者不可不知有行期只吐血衄血或眼耳出血者是謂逆行有三月一行者是謂居經俗名按季有一年一行是謂避年有一生不行而受胎者是謂暗經有受胎之後月月行經而產子者是謂盛胎俗名垢胎有受胎數月血忽大下而胎不墮者是謂漏胎此雖以氣血有餘不足言而亦異于常矣云

良由病源論月水諸病皆曰風冷乘之宜其相
習而成俗也或曰黑北方水之色也紫淡於黑

非冷而何。予曰：經曰，亢則害，羣乃制。熱甚者必兼水化，所以熱則紫，甚則黑也。况婦人性軟，而見鄙嗜欲加倍，臟腑厥陽之火無日不起。非熱而何？若夫風冷必須外得設，或有之，蓋千百而一二者也。

病源論 病源候論卷之三十七 婦人雜病諸候
云：婦人月水不調，由勞傷氣血，致體虛受風冷。風冷之氣客於胞內，傷衝脈任脉，損手太陽少陰之經，也衝任之脉皆起於

胞內，爲經絡之海。手太陽小腸之經手少陰心之經此二經爲表裏主上爲乳汁，下爲月水，然則月水是經絡之餘。若冷熱調和，則衝脈任脈氣盛，太陽少陰所主之血宣流以時而下。若寒溫乖適，經脈則虛，有風冷乘之邪，搏於血，或寒或溫寒，則血結。溫則血消，故月水乍多乍少。經曰：素問六微旨大論云：相火爲不調也。
經曰 素問六微旨大論云：相火之下水氣，兼之水位之下，金氣兼之，土位之下，火氣兼之，風位之下，金氣兼之，金位之下，火氣兼之，君火之下，陰精兼之，亢則害，羣乃制也。
類註云：亢者，熱甚者，盛之極也。制者，因其極而抑之也。
原病式熱類云：云利色紅，爲熟者，心火之色也。或赤者，熟深甚也。至若利色黑，亦言爲熟。

者由火熱過極則反變水化制之故色黑也。婦人性執而見鄙千金方卷之二云經言婦人者衆陰所集常與濕居十四已上陰氣浮溢百想經心內傷五藏外損姿顏月水去留前後交互瘀血停凝中道斷絕云云女人嗜慾多於丈夫感病倍於男子加以慈戀愛憎嫉妒憂恚染著堅牢情不自抑所以爲病根深療之難瘥。

石膏論

本綱卷之九石膏下集解時珍曰石膏有軟硬二種軟石膏太塊生於石中作層加歷扁米糕形每層厚數寸有紅白二色紅者不可服白者潔淨細文短齊如束針正如凝成白

蠟狀鬆軟易碎燒之卽白爛如粉其中明潔色帶微青而文長細如白絲者名理石也與軟石膏乃一物二種碎之則形色如一不可分辨矣硬石膏乍塊而生直理起稜如馬齒堅白擊之則段段橫解光亮如雲母白石英有牆壁燒之亦易散仍硬不作粉其似硬石膏成塊擊之塊塊方解牆壁光明者名方解石也燒之則婉散亦不爛與硬石膏乃一類二種碎之形色如一不可辨矣自陶弘景蘓恭大明雷數蘇頌閻孝忠皆以硬者爲石膏軟者爲寒水石至宋震亨始斷然以軟者爲石膏而後人遵用有驗千古之惑始明矣蓋昔人所謂寒水石者卽軟石膏也所謂硬石膏者乃長石也石膏理石長石方解石四種性

氣皆寒俱能去大熱結氣但石膏又能解肌發汗爲異爾理石卽石膏之類長石卽方解石之類俱可代用各從其類也今人以石膏收豆腐乃昔人所不知

本草藥之命名固有不可曉者中間亦多有意義學者不可以不察以色^{花色}而名者大黃紅花白前青黛烏梅之類是也

白前 本綱釋名云時珍曰名義未詳○集解弘景曰白前出近道根似細辛而大色白不柔易折氣嗽方多用之○恭曰苗高尺許其葉似柳或似茺蔚花根長于細辛白色云云

以形而名者人參狗脊烏頭貝母金鈴子之類是也

人參 本綱釋名時珍曰人蔓年深浸漸長者根如人形有補故謂之人蔓神草蔓字從漫亦浸漸之義漫卽漫字後世因字文繁遂以參星之字代之從簡便爾

狗脊

本綱恭曰此藥苗似貫衆根長多歧狀如狗之脊骨故以名之

烏頭 本綱普

形如鳥

貝母 本綱弘景曰形似

之頭也

金鈴子 木綱

云苦棟實名金鈴子時珍曰羅願爾雅翼云

棟葉可以練物故謂之棟其子如小鈴熟則

黃色名金
鈴象形也

以氣而名者，木香、沉香、檀香、麝香、茴香之類是也。

木香

本綱時珍曰：木香草類也。本名審香，因

其香氣如審也。綠沉香中又有審香，遂訛

此爲木香爾

沉香

蒙筌云：木類椿櫟節多樞，老者

結香，使皮木朽殘，心節獨存，堅

黑沉水燔極清烈故名沉香

檀香

本綱時珍曰：檀

善木也。故字從善。也集解云：皮實而色

黃者爲黃檀，皮紫而色白者爲白檀。皮腐而

色紫者爲紫檀。其木並堅重清香，而白檀尤良。云云。麝香本綱時珍曰：麝之香氣遠射，故曰懷香。本綱弘景云：煮臭肉下少許，無之，麝香臭氣臭醤入末亦香，故曰回香。時珍曰：俚俗多懷之，矜在咀嚼，恐懷香之名或以此也。

以質而名者，厚朴、乾薑、茯苓、生熟地黃之類是也。

厚朴

本綱時珍曰：其木質朴而皮厚味辛，烈色紫赤，故有厚朴烈赤諸名。

乾薑本綱時珍曰：乾薑以母薑造之。今江西襄均皆造以自淨結實者爲良，故人呼爲白薑。又日均薑。

茯苓

本綱宗奭曰：多年樵斫之松根，之

氣味抑鬱未絕，精英未渝，其精氣

盛者發泄于外，結爲茯苓。故不抱根，离其本体，有零之義也。○入門曰：茯伏也。苓靈也。松脂伏於地中而生。治病有靈驗也。**地黃** 本綱太明。日生者，以水浸驗之。浮者名天黃，半浮半沉者名人黃。沉者名地黃。時珍曰：別錄曰：生地黃者，名人黃。沉者，名地黃。時珍曰：其熟地黃乃後人復蒸晒者。云云。

以味而名者，甘草、苦參、淡竹葉、草龍膽、苦酒之類是也。

苦參 本綱時珍曰：苦以味，名參。以功名。云蒙筌曰：味

淡竹葉

蒙筌曰：味甘淡氣平。

寒陰中，微陽無毒竹，類頗多，難指。何是？惟當竹味淡者，爲然。云東坡蘓公曰：淡竹者，對苦竹爲文。除苦竹之外，皆淡竹也。○時珍曰：淡竹今人呼爲水竹。有太小二種。沉存中言苦竹之外，皆龍膽。本綱志曰：葉如龍葵。爲淡竹誤矣。龍膽味苦，如膽，因以爲名。苦醋本綱弘景曰：以有苦味俗呼苦酒。

以能而名者，百合、當歸、升麻、防風、滑石之類是也。

百合

本綱時珍曰：百合之根，以衆辨。當歸本合成也。或云專治百合病，故名。當歸本

羨曰當歸能使氣血各有所歸恐當歸之名必因此出地升麻

本綱時珍曰其葉似

麻其性上升故名

防風

入門云防風者預防風疾也

滑石

本綱時珍曰性

滑利竅其質又

滑膩故以名之

以時而名者半夏茵陳冬葵寅雞夏枯草之類是也

半夏

本綱時珍曰禮記月令五月半夏生蓋當夏之半也故名

茵陳

本綱藏器曰此雖蒿類經冬不死更

冬葵子

入門云葵因舊苗而生故名因陳

能衛其足者知也惟知所以能揆此卽常食葵菜覆養經冬至春作子故謂之冬葵子寅雞未夏枯草本綱震亨曰此草夏至後卽因舊苗而生故名因陳枯蓋稟純陽之氣得陰氣則枯故有是

名云云

以石膏火煅細研醋調封丹爐其固密甚於脂膏非有當焉能爲用此兼質與能而得名正與石脂同意闇孝忠妄以方解石爲石膏况石膏其味甘而辛本陽明經藥陽明主肌肉其甘也

能緩脾益氣止渴去火其辛也能解肌出汗上行至頭又入手太陰手少陽彼方解石者止有體重質堅性寒而已未_定其所謂有膏而可爲三經之主治者焉在哉醫欲責效不亦難乎

閻孝忠

閻孝忠傳未考源流曰宋朝錢乙字仲陽汶陽人也精小方脈尤得其妙著小兒方藥直決爲世專科門人閻孝忠所纂集也云○本綱石膏集解閻孝忠曰南方以寒水石爲石膏以石膏爲寒水石正與汴京相反乃大誤也石膏潔白堅硬有牆壁

寒水石則軟爛以手可碎外微青黑中有綱文又一種堅白全類石膏而敲之成方者名方解石也○恭云石膏方解石太體相似而以末破爲異今市人皆以方解代石膏未見有真石膏也石膏生於石旁其方解不因石而生端然獨處大者如升小者如拳或在土中或生溪水其上皮隨土及水苔色破之方解大者方尺今人以此爲石膏療風去熱雖同而解肌發汗不如直者

格致餘論疏鈔卷之六

唐人多以大賈取財，故多不入。今市人皆以大捕外下賣未足
下。○又元小青衣一丈，大青衣一丈，各分文，又一疋空白全幅，不啻而剪之，裁成
美衣，太下頗嫌穢，以毛面者，不為青黑中，亦可

